

玄覽堂叢書續集

第二十七冊

no. 8
0528446

9(5)(08)
0079



總督四鎮奏議卷之八目錄

甄別主客將領疏

題缺寧遠備禦疏

薊鎮歲用錢糧省費疏

薊鎮查催民運銀兩疏

條陳保鎮未盡事宜疏

議設年例銀兩疏



請將平定州改設西鎮

請將平定州改設西鎮

請將平定州改設西鎮

請將平定州改設西鎮

請將平定州改設西鎮

請將平定州改設西鎮

總督四鎮奏議卷之八目錄



總督四鎮奏議卷之八

甄別主客將領疏

題為遵

例甄別主客將領以示勸懲以重邊務事案查先於

萬曆元年八月內該總督劉 題兵部議覆

合行各鎮督撫官即將入衛兵馬班軍嚴加挑

選務期人強馬壯器械犀利真足禦寇衝鋒交

付該管將領統領兼程依期赴邊過堂之日逐

奏一驗看分別堪否等第具

528446

民國37.2.7

奏等因題奉

欽依節年欽遵訖又查得萬曆十三年二月內為酌議修守機宜以裨安攘事該督撫張

等會

題薊昌兩鎮萬曆十三年起至十五年止在薊鎮應修邊牆五千五百二十六丈四尺邊城二十九丈五尺水口大橋八座橋樓一座敵臺七十座內拆修一座墩四座在昌鎮應修邊牆二千一百三十九丈一尺六寸敵臺一座剷削壁立五丈偏坡九百九十丈六尺合用工價犒恤

銀兩應

請給發及稱薊鎮邊工修築不易勸懲之典貴不渝
時合無今後每年終將兩防主客將領及中軍
千把總等官修工之堅瑕操守之貪肆兵馬之
強弱防撫之優劣通行叅酌除功微罪輕者便
宜禮待處置其應賞錄叅究人員臣等總具一
疏分別舉劾以彰激勸至於總兵官并部道協
守仍候三年工完總查敘錄等因該兵部議覆

題奉

聖旨這派修工程給發銀兩及舉劾將領等項俱依
擬行欽此欽遵備咨前來及該戶兵二部照例發
到工價犒恤銀兩收貯密雲縣庫聽各兵備道
呈請動支節經督行薊昌兩鎮各道及主客將
領等官將萬曆十四年春秋兩防應修工程各
上緊修築年終遵照原議開報去後今據薊昌
兩鎮總兵官張臣等密雲等道兵備叅政等官
郭四維等冊報萬曆十四年春秋兩防在薊鎮
修完邊牆六百七十六丈五尺敵臺三十五座

及不領工價城墻二十四丈五尺倉廩二十九
間門樓一座圍墻一百五丈二尺在昌鎮修完
邊墻七百七十八丈九尺三寸及不領工價隨
墻石券水門六座梁口墻九十八丈石偏坡三
百三十三丈各將用過工價犒恤等項銀兩數
目并各官防撫操守事跡查報到臣又准巡撫
順天等府右僉都御史蹇備將主客各官分
別咨報前來除總兵部道協守各官俱候工完
總查敘錄外該臣會同整飭薊州等處邊備兼

巡撫順天等府地方都察院右僉都御史蹇

議照薊昌兩鎮所恃為障塞之防者惟修惟守
主客諸將所藉為責成之法者以勸以懲萬曆
十四年春秋兩防天時之水旱相仍築塞則益
加胼胝虜警之東西戒備乘障則日枕干戈故
課諸將之功能重恤諸軍之甘苦其功微應獎
者都司等官朱士元等及各中軍等官黃慎度
等共一百二員罪輕應戒者中軍等官王弘祚
等共八十八員臣等分別獎戒功罪相準者遊

擊王永壽等及各中軍等官魏邦輔等共三百三十四員俱應免議外其功罪顯著所當殿最者臣等謹遵

明旨甄別具

聞查得臺頭路管路事副總兵解一清黃花路管路事副總兵李成材石門路參將王輓古北路參將彭友德喜峯路參將杭大才馬蘭路參將俞應乾石塘路參將楊元松棚路遊擊高徹密雲右營遊擊麻承詔遵化左營遊擊李如榎三屯

右營遊擊李普實原管輜重營遊擊事今陞中
路南兵營副總兵朱先東路南兵營遊擊龔子
敬西路南兵營遊擊江應龍昌平右騎營遊擊
褚東山定州營遊擊閻金臯瀋陽營遊擊金一
清真定車營遊擊董承祺德州營遊擊檀武臣
真定民兵營遊擊徐道宣府營遊擊馬林延綏
營遊擊周鎮大同營遊擊王鎧延綏營遊擊蕭
如蘭山海路管路事遊擊谷承功石匣營都司
盛莊三屯車後營都司許大成昌平右車營都

司孟學詩建昌營都司茹宗湯河南營都司馮
大恩山東右營都司張守愚以上各官協力籌
邊同心體

國語版築則精堅壯麗宛若金湯語詰戎則踴躍
奮揚真同虎豹勤勞並著才守兼優俱應優薦
內有陞任調任者如朱先楊元許大成孟學詩
先後皆在鎮屬周鎮馬林皆兩防在戍檀武臣
防工告竣李蕢實尚未交代俱應敘錄者也大
安口關提調馬魁武義院口關提調孫繼祖石

峽峪守備聶承宗桃林口關提調張旆慕田峪
關提調王之都臺頭路中軍綏德衛指揮僉事
徐光啓密雲左營中軍密雲中衛指揮同知吳
守德太平路調任中軍密雲中衛指揮同知李
鳳池河間營中軍河間衛指揮僉事孫應乾黃
花路中軍大興左衛指揮僉事孫儒橫嶺路中
軍虎賁右衛指揮僉事石國柱延綏營中軍綏
德衛指揮僉事李涇昌平左騎營中軍蔚州衛
所鎮撫方時新振武營千總濟陽衛指揮同知

賈桂山東右營千總臨清衛指揮使朱世勳馬
蘭路千總鎮朔衛千戶劉一芳河間營把總河
間衛百戶郭坤延綏營千總延安衛千戶董繼
武以上各官或分任一關而防撫之心力並勞
或專司一部而撫馭之恩威兼著修守克勤緩
急攸賴俱應並薦者也又查得通津營遊擊張
暉心術狡詐志向卑污初任求索見面則千總
奚繼德等三員每員銀十兩把總于大化等六
員每員銀五兩俱掾房徐時為之關通到邊需

條例儀則火頭王成等一百餘名每名銀一錢四分馬長兒等三十名每月納銀一兩病軍一百名每名銀一錢俱各軍隨便為之親送貪聲大著穢跡彰聞昌鎮坐營都司張維豆片善無聞兩耳重聽遇開操遇校閱即以病請為不便于傳宣其家丁其頭目皆以賄行惟知實其囊橐以上各官俱應罷斥以肅邊紀者也天津營中軍天津左衛指揮同知亢承恩賣放雜流張時住等九名心甘受賄私役伍軍俞魁孫等八

名計在營家河大營中部千總大同中屯衛指揮同知顧培基科索火頭周管住等二十四名常例私收伍軍一十二名月錢遂有人言致稽工役河大營右部千總大同中屯衛指揮僉事榮大魁才乏通敏守亦貪污受月錢而賣放有聲緩邊工而督理無法河大營把總大同中屯衛百戶劉中立律身欠慎防虜亦踈受伍軍王子孝等之月錢索火頭郭買住等之常例寧山營把總寧山衛百戶施騰龍伍軍高仲良等一

續增四錄奏請
卷之六
十三名每月納銀一兩任其浪遊火頭張臣等
五十名每名索銀二錢免其力役德州營把總
德州衛百戶趙繼祖素行不檢剝削多端指買
馬而科派軍人假生日而索擾牢件以上各官
俱應提究以示懲警者也相應題

請伏乞

勅下兵部再加查議將解一清等各先分別紀錄仍
行臣等分別賞勸張暉等單任充承恩等行臣
提究發落其修過工程用過錢糧已經遵照部

議開造簡明文冊咨送戶兵二部查考通候三
年工完之日各兵備官備細造冊聽閱工衙門
通行查勘明實分別徑自具

奏庶主客之將吏知所鼓舞而重鎮之修防大有
裨益矣緣係遵

例甄別主客將領以示勸懲以重邊務事理未敢擅
便為此具本專差千戶張大庸親齎謹題請

旨

萬曆十五年二月 十三日

題缺寧遠備禦疏

題為缺官事准巡撫遼東地方兼贊理軍務都察院右副都御史顧

會稿據整飭寧前兵備

山東布政使司右叅政劉易從呈萬曆十四年十二月二十二日據寧遠備禦中軍百戶劉印稟稱備禦楊四維於本月十七日得患腫頰病證至二十二日丑時身故情由到道除批義兵千總王宗堯速赴寧遠中左所暫代備禦事務外照得該所地要邊衝備禦不可久缺呈乞題

請相應官員速赴任管事等因到職會稿到臣該臣
會同巡撫遼東地方兼贊理軍務都察院右副
都御史顧 巡按山東監察御史王國弼議
照寧遠備禦駐劄塔山中左所乃近邊極衝之
地四時皆防之區今備禦楊四維病故所據員
缺相應亟補查得寧遠衛都指揮僉事葛逢夏
戰陳屢經矢志無忘橫草勇敢足任引弓可命
穿楊寧遠衛指揮僉事王宗堯年茂而狀貌魁
偉志銳而才略老成氣欲吞胡射能貫甲以上

二員俱堪陞補寧遠備禦伏乞

勅下兵部再加查議將前項員缺即以葛逢夏等酌
量推補庶衝邊得人而保障有賴矣緣係缺官
事理未敢擅便為此具本專差千戶張大庸親
齋謹題請

旨

萬曆十五年二月 十五日

薊鎮歲用錢糧省費疏

奏為錢糧百分缺乏乞

申飭中外臣工協心體

國以足經用事准整飭薊州等處邊備兼巡撫順
天等府地方都察院右僉都御史蹇 會稿據
密雲等道兵備右叅政等官郭四維等各呈蒙
職案驗依蒙會同管糧郎中等官劉任等備將
查過萬曆十四年正月起至本年十二月終止
密薊永昌四鎮主客南北官軍馬羸用過本折

行月糧俸料草布花等項及收過京運漕糧并
催收過各府衛民屯本色米豆草束折色銀兩
事例鹽引及節省與各倉庫見貯本折錢糧各
分別主客項款數目開造文冊到職據此案照
先准戶部咨前事內開查得隆慶六年奏報各
邊錢糧該本部議以後歲終具報先列歲額之
數次舊管次收除次實在中間用過催到之數
即於新收開除項下各比上年省費多少若干
其實在項下亦各比上年積貯多少若干等因

又於萬曆元年奏報各邊錢糧該本部議以後
年終具報務將本年應支之數按月盡行給放
作數不得仍前補支以圖混報等因又於萬曆
七年奏報各邊錢糧本部議奏報日期以後薊
宣等十鎮限次年二月延寧甘固四鎮限次年
四月奏到勿得遲延等因俱節經題奉

欽依通行欽遵訖今照年終在邇合咨煩將密薊永
昌四鎮萬曆十四年主客兵馬錢糧查照節次

題

總督四鎮奏議
卷之二
准事例先列歲額次開管收除在其歲額比上年有
無增減明白開具數目仍將主客用過正項并
將催過民屯鹽引比上年省費多寡各若干俱
要從實開報其餘各項事宜查照上年事規依
期奏報前來以憑具揭

進呈

御覽等因准經備行各兵備道會同各該管糧衙門
遵照查理去後今據冊報前來理合會

奏等因會稿到臣卷查先准戶部咨為省繁文以

節財用事該前總督梁

題本部議覆通行

督撫衙門自萬曆六年為始總督止于會本冊
不必造題奉

欽依備咨欽遵在卷今准前因該臣會同整飭薊州
等處邊備兼巡撫順天等府地方都察院右僉
都御史蹇 看得密薊永昌四鎮先該閱視大

臣據見在兵馬實數酌為經費之額每年以十
二月計之本無盈餘中間因有逃亡事故勾解
買補互相乘除及一切虛冒糜費嚴加釐革以

故歲有省剩其萬曆十三年終省剩銀兩已該
本部算抵十四年額餉照數扣發今查萬曆十
四年清補新軍添補馬羸與夫調援防守等項
兵馬不無各有增支亦皆撙節調停未溢額外
尚復積有支剩之數至於直隸府衛民屯錢糧
該年災傷重大固多如數完解者亦有拖欠後
期者臣等另行查叅具

題外計本年各鎮主客兵馬項下除用過本折今
積有省剩本色稷粟米三十八萬八千三百七

十餘石黑豆一十七萬一千八百一十餘石
炒三十餘石穀草二百七十三萬三千五百九
十餘束折色銀九萬一千四百四十餘兩奠靜
并順義新建二倉稷粟米一十一萬九千一百
六十餘石俱見在各鎮倉庫收貯其萬曆十三
年十二月終舊管倉庫收貯本折錢糧并萬曆
十四年正月起至本年十二月終止新收開除
實在各數目已該撫臣徑自造冊

奏繳青冊咨送戶部查考外為此今將前項緣由

續增四庫全書
卷之八
十四
理合具本專差千戶張大庸親齎謹具奏

聞

萬曆十五年三月十三日

薊鎮查催民運銀兩疏



題為查催民運銀兩以濟急缺事准整飭薊州等處邊備兼巡撫順天等府地方都察院右僉都御史蹇會稿據密雲道兵備右叅政郭四維呈稱查得所屬通州三河寶坻平谷密雲五州縣萬曆十四年應徵萬曆十三年民運起存錢糧以十分為率除蠲免外實徵之數俱全完各衛所關營應徵萬曆十四年分屯糧馬草增銀鎮虜關全完梁城守禦千戶所已完九分以上

未完不及一分興州後屯衛已完九分未完一分神武中衛已完八分以上未完一分以上密雲中營州中屯二衛各已完八分未完二分通州左通州右定邊三衛各已完七分以上未完二分以上密雲後營州後屯二衛各已完四分以上未完五分以上薊州道兵備副使朱衣呈稱查得所屬薊州遵化豐潤玉田四州縣萬曆十四年應徵民運起存錢糧除蠲免外實徵之數俱全完各衛所關營應徵萬曆十四年屯糧

馬草增銀將軍黃崖等一十三關營俱全完興
州左屯衛已完九分以上未完不及一分薊州
遵化二衛寬河所各已完八分以上未完一分
以上鎮朔營州右屯二衛各已完八分未完二
分東勝右忠義中二衛各已完七分以上未完
二分以上興州前屯衛已完六分以上未完三
分以上開平中屯衛已完二分以上未完七分
以上三屯營邊儲已完不及二分未完八分以
上霸州道兵備副使田時秀呈稱查得所屬州

縣萬曆十四年應徵萬曆十三年民運起存錢糧除蠲免外實徵之數霸州文安大城保定武清灤縣永清涿州固安良鄉房山宛平一十二州縣俱全完東安縣已完九分以上未完不及一分香河縣已完九分未完一分大興縣已完八分以上未完一分以上各衛所應徵萬曆十四年屯糧馬草增銀武清衛全完涿鹿涿鹿中興州中屯三衛各已完九分以上未完不及一分管州前屯衛已完九分未完一分涿鹿左衛

已完八分以上未完一分以上昌平道兵備右
叅議于達真呈稱查得所屬州縣萬曆十四年
應徵本年并萬曆十三年分民運起存錢糧除
蠲免外實徵之數昌平州順義縣俱全完懷柔
縣已完六分以上未完三分以上經管知縣王
爾楫於本年二月初十日到任本縣地近衝邊
蕞爾小邑連年旱澇相仍民窮徹骨極力催徵
僅能全完起運所欠者係存留之數追併不前
似應少從寬假各衛所應徵萬曆十四年屯糧

馬草增銀營州左屯衛全完延慶衛掌印指揮
僉事張符近病故已完四分未完六分管屯指
揮同知胡顯忠已完五分以上未完四分以上
左所管屯正千戶王九德已完二分以上未完
七分以上右所署管屯實授百戶劉煥章已完
四分以上未完五分以上中所管屯實授百戶
鄧學夔已完五分以上未完四分以上前所管
屯副千戶孫繼志已完二分以上未完七分以
上後所管屯正千戶華光祚已完四分以上未

完五分以上永平道兵備右叅政葉夢熊呈稱
查得永平府屬州縣應徵萬曆十四年民運起
存錢糧除蠲免外實徵之數遷安樂亭撫寧昌
黎盧龍五縣俱全完灤州已完八分未完二分
各衛并關營應徵萬曆十四年屯糧馬草增銀
建昌等十一關營俱全完撫寧衛已完九分以
上未完不及一分黃土嶺關已完九分未完一
分永平盧龍二衛各已完八分以上未完一分
以上東勝左興州右屯二衛各已完八分未完

二分青山口關已完七分以上未完二分以上
經管副千戶王世爵於本年十一月二十六日
緣事暫委總旗吳仲仁於本月二十七日署管
山海衛已完七分未完三分義院口關已完六
分以上未完三分以上及查東勝左衛先管屯
今革任指揮同知趙科經收萬曆十三年屯糧
未完三分以上蒙督撫按會叅住俸續該屯田
劉御史查將趙科革任另委指揮汪洋接管題
行該部覆奉

欽依趙科革任免究汪洋住俸督催所據趙科既已
免究相應開俸及據各道議稱各衛所關營見
年應徵屯糧今歲旱澇災傷甚重查勘蠲免至
十二月初旬方奉折徵明文遵例催督上納年
終查覈花戶窮困措辦不前致多拖欠乞為量
議寬恤等因各將掌印管糧管屯文武官員職
名造冊呈報到職據此案照萬曆十四年四月
內准戶部咨該職等會題前事該本部覆議恭

候

命下本部移咨薊遼總督并順天巡撫及咨都察院
轉行巡按御史將萬曆二十三年經徵起存
錢糧各官除全完及完及分數免究外未完二
分以上興州前屯衛管屯指揮僉事王祚長未
完三分忠義中衛管屯指揮同知李承芳東勝
左衛管屯指揮同知趙科未完五分以上開平
中屯衛掌印指揮同知魯希韓各住俸督催未
完五分以上開平中屯衛管屯指揮僉事周盤
降俸二級未完八分以上三屯營委官忠義中

衛後右所實授百戶王應時姑免調衛止降二
級各戴罪督催以上住俸降級各官俱不許別
項差委通候完至九分以上督撫官查明具奏
本部議覆方准開俸復俸薊州衛管屯指揮使
謝國用准開原俸仍將住過日期查照補支趙
科與經歷陳習仍聽屯田御史查其萬曆十二
年原欠屯牧錢糧完及分數具題前來方准補
支通浴兵部知會其各該未完錢糧備行各兵
備道嚴督各掌印管糧管屯官員務要設法催

徵完納母得寬縱致虧額餉等因題奉

欽依備咨准經通行各兵備道轉行各府州縣衛所
掌印管糧管屯等官一體遵照去後又查得先
於萬曆十年七月內准戶部咨為乞

勅計曹遵

成法慎查比以圖經久等事該工科左給事中李廷
儀題前事本部覆題奉

聖旨是存留錢糧無故拖欠四分以上着撫按查
叅欽此備咨遵行在卷今據前因會稿到臣卷查

先為省繁文以節財用事准戶部咨該前總督
梁 題本部議覆內開查得前項三冊原係
一事相應通行督撫衙門俱自萬曆六年為始
將三冊聽巡撫

奏繳送部外總督不必重造其會叅未完錢糧悉
照所議等因題奉

欽依備咨欽遵在卷今准前因該臣會同整飭薊州
等處邊備兼巡撫順天等府地方都察院右僉
都御史蹇 巡按直隸監察御史任養心查得

順永二府州縣應徵民運起存錢糧并各衛所
關營屯糧行據各道分別冊報前來備細查覈
除奉例蠲免外通以實徵完欠之數計之如密
雲道兵備右叅政郭四維薊州道兵備副使朱
衣各任內督催過所屬州縣民運起存錢糧俱
全完昌平道兵備右叅議于達真霸州道兵備
副使田時秀永平道兵備右叅政葉夢熊永平
府知府張世烈管糧通判安所止各任內督催
過所屬州縣民運起存錢糧已完九分以上未

完不及一分并各州縣衛所關營全完十分及
完至八九分者各該掌印管糧管屯等官俱各
遵例免究又除興州前屯衛掌印指揮同知魯
邦基延慶衛掌印指揮僉事張符俱已病故署
青山口關屯務總旗吳仲仁接管僅及一月似
難槩議外如未完八分以上三屯營委官忠義
中衛後右所原任實授百戶今降充總旗王應
時未完七分以上延慶衛左所管屯正千戶王
九德本衛前所管屯副千戶孫繼志開平中屯

衛掌印指揮僉事孫光祖管屯指揮僉事周盤
未完五分以上密雲後衛掌印指揮使毛訓管
屯指揮同知張爵營州後屯衛署印兼管屯指
揮使周禧延慶衛右所管屯實授百戶劉煥章
本衛後所管屯正千戶華光祚未完四分以上
延慶衛管屯指揮同知胡顯忠本衛中所管屯
實授百戶鄧學夔未完三分以上懷柔縣知縣
王爾楫山海衛掌印指揮僉事傅國忠管屯指
揮使李天培興州前屯衛管屯指揮僉事常國

祚義院口關管屯山海衛右所冠帶總旗張興
未完二分以上通州左衛掌印指揮僉事朱洵
管屯指揮同知郭大忠通州右衛掌印指揮使
陳其學管屯指揮同知周來朝定邊衛掌印指
揮僉事吳朝梁管屯指揮使馬卿馴忠義中衛
掌印指揮僉事段文錦管屯指揮同知李承芳
東勝右衛掌印指揮僉事俞國勳管屯指揮僉
事王道行青山口關原管屯近緣事盧龍衛前
所副千戶王世爵以上各官未完數多有違

明例通應參懲第順永二府地方連歲旱澇軍民困苦追徵不前原非無故拖欠及查近於萬曆十五年正月內准戶部咨為申明災免事例以依法守事內開方今水旱頻仍無處不災合無將前例再行申明徧示諸郡邑除無災地方及災傷三分以下照常追徵外凡災傷四分以上去處各照原題被災應免分數俱准照例減徵不必取盈常額等因題奉

欽依備咨前來除遵行外今照懷柔縣知縣王爾楫

起存未完三分以上應照未完二分以上例住
俸內起運全完所欠乃存留之數亦應未減且
該縣災重民疲情甚可原各衛所關管掌印管
屯等官王應時未完八分以上例應降二級改
調極邊衛分帶俸差操王九德孫繼志孫光祖
周盤俱應照未完六分以上例內王九德孫繼
志周盤俱管屯官降二級革任差操孫光祖掌
印官降俸二級戴罪管事毛訓張爵周禧劉煥
章華光祚胡顯忠鄧學夔俱應照未完四分以

上例內張爵周禧劉煥章華光祚胡顯忠鄧學夔俱管屯官降俸二級毛訓掌印官住俸傳國忠李天培常國祚朱洵郭大忠陳其學周來朝吳朝梁馬卿馴段文錦李承芳王道行王世爵張興俞國勲俱應照未完二分以上例內李天培常國祚郭大忠周來朝馬卿馴李承芳王道行王世爵張興俱管屯官各住俸傳國忠朱洵陳其學吳朝梁段文錦俞國勲俱掌印官姑免究以上叅罰差等乃常歲定格茲當災沴之餘

似應遵例酌議合無將知縣王爾楫姑免住俸
各衛所掌印管屯官亦宜量行寬減內降二級
調衛單任者止降一級姑免調單降俸二級者
姑准住俸免其降俸其住俸者一體免究各未
完錢糧責令各戴罪督催完納庶

郊畿重地被災官民咸霑

聖明浩蕩之恩矣又查得東勝左衛指揮同知趙科
上年原叅住俸續該屯田衙門覆查題奉

欽依單任免究另委指揮汪洋住俸督催趙科應准

開俸既經各道查議前來相應題

請伏乞

勅下該部再加查議應否量行遞減覆請

定奪施行除各道府州縣衛所關管已未完民屯錢糧數目并各掌印管糧管屯官員職名聽撫臣類造文冊另本

奏繳青冊咨送戶部查考外緣係查催民運銀兩以濟急缺事理未敢擅便為此具本專差千戶張大庸親齎謹題請

旨

萬曆十五年三月十五日

日

卷之八
三

下缺部再加查議應否量行遞減覆請

元壽始初除各道州縣衙門關管已未完民屯

議高十五至至一且上議定屯官員職名聽候

新建文冊另本

奏續青冊咨送戶部查考外緣係查催民運銀兩

以濟急缺事理未敢擅便為此具本專奏千戶

音張大庸新編題請

條陳保鎮未盡事宜疏

題為仰遵

勅旨條陳邊鎮未盡事宜以備

採擇事准巡撫保定等府提督紫荆等關兼管河道
都察院右僉都御史賈 會稿准兵部咨該

巡按直隸監察御史蘇鄭條陳前事奉

聖旨兵部看了來說欽此隨該本部議覆備行該鎮
督撫衙門查將後開各鎮事件逐一詳議妥當
要見應修舉應設復者人情有無便易應更置

應因革者事體可否變更至於復設鄉夫一節
尤當會同大同鎮督撫以便議處逐一具

奏前來以憑覆

請定奪等因題奉

聖旨著行與各鎮督撫官計議停當具奏欽此欽遵
備咨前來又准總督軍門咨同前事俱經案行
易州道即將款開各項事件逐一從長查照酌
議停妥詳報又准大同巡撫右副都御史胡
備將議過靈廣二縣鄉夫緣由亦咨前來又

經行仰該道併議去後今據該道兵備參政兼
僉事余國賓備將各款再三會議緣由呈報到
職會稿到臣該臣會同巡撫保定等府提督紫
荆等關兼管河道都察院右僉都御史賈

看得關臣所議嚴各隘以固關輔酌駐守以節
軍力復鄉夫以預防守精簡練以選軍鋒議增
給以恤戰騎以上五事俱審時酌勢曲盡經畫
實於邊備有裨既經該道覆行酌議相應查照

具

奏伏乞

勅下兵部再加酌議覆

請定奪行下臣等遵奉施行緣係仰遵

勅旨條陳邊鎮未盡事宜以備

採擇事理未敢擅便為此開坐具本專差千戶張大

庸親齎謹題請

旨

計開

一嚴各隘以固關輔

前件行據易州道兵備叅政兼僉事余
國賓呈據保定府呈准本府同知王
維藩關准紫荆關叅將馬應元議稱
險阻乃拒守要務而設險守國又在
預為之防今也謂其林木日踈仄道
日夷間道日開誠洞悉邊關要務而
修築堞塞實本源之論也樹株於春
初採取栽植仄道於該防乘隙剷削
曠洞則嚴行防禁而多方築塞若夫

建西水溝之臺創浮圖峪之墩修帽
兒山之堡峻夾河之險已經詳允自
十四年起至十六年止挨防修建務
求永可拒守至於修守之殿最賞罰
之權衡委屬激勸大典相應舉行又
准馬水口管叅將事遊擊米萬春議
稱康家溝等處已各建有臺墻無容
再議惟沿河一總東接鎮邊外通懷
來實為最衝近議東岸修臺固能阨

險而中隔大河勢不聯絡恐隆冬冰
堅頗非完策萬一宣大有警此不可
不長思也又如滑車安口內險外平
邊墻低薄謂宜剷削增高移置梨園
嶺官軍在此防戍庶保無虞等因會
議到道看得紫馬兩關逼近宣大為
京輔要鎮邇年雖虜寇納款顧夷情叵測誠宜先
事預圖查得紫荆總所轄創西水溝
之臺建浮圖峪之墩豎帽兒山之堡

峻夾河之險已經詳允立限興修見
今次第完報其馬水口所轄康家溝
等處亦各建有臺墻至於廣樹植以
重盜斫之罰清道路以嚴私通之禁
塞礦洞以防掏窵之奸俱節奉明文
嚴加禁緝無容別議惟梨園嶺防守
軍移駐滑車安口尤為妥便及查沿
河口之渾河浮圖峪之拒馬河上流
所議修橋阨險一節工費浩繁且水

勢汎急難保永久為今之議止令兩
關軍士採辦木植灰石自行修建墩
臺但取堅固不必建橋候工完之日
議動紫荆所商稅銀兩量行勸賞庶
各軍不致坐食而錢糧亦免糜費及
照三關修守勞役惟均在東鎮每築
一墻一臺必給工價在西關曾無毫
忽蔬菜之資在東鎮則督築各官俱
於年終照例

奏叙在西關則督工各將領但玩肆者重則論劾
輕則黜退有功人員曾無優叙似非
所以均勞逸公勸酬而激人心也相
應照東關事例每築墻一文築臺一
所計工給價其守把各官每年終聽
本道將修過邊工分別殿最呈報錄
敘等因到臣臣等惟捍禦之策宜謀
於素而安攘之猷貴備於先查得西
水溝浮圖峪帽兒山夾河口撫臣嘗

親履其地與談道圖畫修峻事宜已
經據議修築立限完報及查康家溝
等處亦各建有臺墻無容再議至白
石西連挿箭嶺為倒馬關馬戶其東
峯峪等處土坡夷曠而墻垣低薄者
今議剷削增築他如嚴防礦寇掏挖
嚴禁盜伐樹株梁塞小路以杜私通
撫臣累行禁緝不啻三令五申往往
捕獲寘於法及議梨園嶺防守軍士

移駐滑車安口委於邊務有裨相應
舉行及稱沿河口之渾河浮圖峪之
拒馬二河議要跨水為橋工費既多
勢難永久今據該道議稱責令兩關
軍士採辦木植灰石自行修建墩臺
但取完固不必建橋據議妥當似應
查照及要將西關邊工管事將領人
員分別殿最比照東鎮事例年終錄
敘各一節為照事務修舉全在鼓舞

人心而在邊事為尤急東關西關事
同一體東關所築臺塔俱給以工價
鹽菜而西關則軍卒經年疲於工役
而毫無所給東關督工各官歲有

奏敘而西關中有督工十餘年曾未得賞一錢增

一級者事同而處異有罰而無賞顧

何以勵人心也西關一切修築委當

比東關事宜仍照萬曆元年撫臣孫

所議一體開敘庶人心有所激

勸而邊事易於修舉矣伏乞

聖裁

一酌駐守以節軍力

前件行據易州道兵備叅政兼僉事余國賓呈據保定府呈准本府同知王維藩關稱看得保鎮總兵駐劄府城去邊關諸隘頗遠如遇東西卒然有警入援委屬未便但保鎮所轄標騎車左等營軍士俱散居州縣各有桑

京調二百里

土田產之思今改駐易州不無苦於
移徙更置之難揆之人情似不必移
但照移鎮初意原為紫荆久不入防
故移駐就近一以省兵馬迎送之勞
一以為桑土未雨之謀今鎮即不移
中間防禦事體仍須預計查得入防
本關供給糧餉歲辦五萬有奇兵雖
不入而餉銀仍存貯部庫蓋以備一
時緩急之需也若以為無事遂將餉

銀別用誠恐卒然有警何以待之合
候覆議本鎮即不移駐至於防秋餉
銀仍須貯之部庫以為緩急預防之
策再查兵馬迎送一節致營伍疲累
委屬未便相應嚴行禁約等因會議
到道先該本道看得保定總兵移駐
易州蓋謂易州內近

京師二百里外至浮圖諸隘百十餘里東防西援
最為適中又府城地當孔道往來過

容護送軍旗吹手馬匹率皆取給總
府以致軍馬疲累今議改駐易州團
聚一城不惟便於防守應援抑可免
軍馬迎送奔馳之苦誠為長策據議
間蒙撫院批狀據保定標營軍人張
敬中等告稱中等洪武年間絜克保
定左等五衛軍二百餘年二十州縣
下屯久住府城營房操練甚便今巡
關衙門奏調易州住鎮月糧微薄不

足供軍定逼逃伍况易州創立營房
千間費銀重大亦難完備思中等親
老子幼一旦離土拋家委得冤苦告
乞憐准照舊保定住鎮居家全生等
情蒙批仰易州道再議速報蒙此隨
抄詞行府覆議去後今據前因看得
該鎮所轄標騎車左忠順等營軍士
皆散居真保河間所屬州縣地方各
置立田產廬舍居處有年一聞改移

紛然告擾既於人情不便且建置各
官公署之費時適荒歉尤難措處據
議本鎮免行改駐惟每年以所省防
秋銀五萬九千餘兩戶部照前查發
存貯易州部庫以備不時緩急之需
至於各營軍馬往來迎送嚴行禁單
事體妥便似應查照等因到臣臣等
竊惟易州之地東近

神京西連諸塞實適中要區議將保定總兵移駐易

州萬一有警提兵出塞左右應援委屬良策但行事宜順人情而立法貴謀終始况事屬軍機兵關人衆移徙更置尤宜詳慎今據道府所議及據軍人張敬中等告稱各軍自洪武年間梁克此地迄今二百餘年各有田產廬舍之舊若今一旦移駐未免拋失產業委屬不堪既經道府會議俱稱人情不便且建置各官軍公署營

房貲費頗多時值荒歉措處為難總
兵似當照舊駐劄保定萬一有警不
妨移駐邊關惟是撫臣及總兵官舊
時各帶兵馬赴易州紫荆關防秋三
月一切供給糧餉用銀五萬九千餘
兩該先任都御史辛 題免防秋

所有前項防秋銀兩原議存貯易州
戶部衙門以備本鎮緩急之用今總
兵官雖免移駐其每年所省防秋銀

五萬九千餘兩乞

准戶部照前查發存貯易州部庫以備不時緩急之
需至於各營軍馬往來迎送嚴行禁
革據議委屬妥當似應查照舉行伏

乞

聖裁

一復鄉夫以預防守

前件行據易州道兵備叅政兼僉事余
國賓呈據保定府呈准本府同知王

維藩關稱查得白石浮圖諸口俱坐
落廣昌縣地方而彼縣所屬民居田
產悉在各口內外先年原派該縣鄉
夫一百餘名每遇防秋分布白石口
等處隘口有警即赴信地擺守無事
不妨農業後於萬曆九年奉文裁革
議於易州涑水縣添編鄉夫一百四
名以抵廣昌之數卷查萬曆十二年
十月內蒙本道案發廣昌鄉夫花名

一百四名今照舊造入分布冊內呈
報本道轉呈督撫詳允案發抄冊將
易州涑水原編抵補鄉夫免派看得
浮圖白石等口附近居民相離該縣
寫遠俱居住各口內外誠宜遵照

勅旨仍聽本道兼管每歲止取該縣鄉夫花名呈報
認過原分信地即放歸農有警前來
協力防禦仍令各村居民編立保甲
查無容留奸細每月揭報本道以便

稽查等因會議到道查得本道

勅書開載山西州縣並聽本道節制緣道屬浮圖白石等處俱坐廣昌地方召募各軍又多係廣昌蔚州等處人民論地方既係山西之區論軍人太半山西之籍且兩地俱為西寇之衝彼此互援休戚與共有不止脣齒相依已也原奉勅書豈無深意查得萬曆初年間該大同撫院將鄉夫徑自撤回蒙保定撫院孫都御史

具題廣昌靈丘等縣居民密邇重關
相應照舊警至聽該縣居民入邊協
守依臺而居外則清野內則堅壁殊
為兩利然必先藉其丁夫明其保甲
而後可以杜奸細俱聽臣預先酌行
等因該兵部覆奉

聖旨依擬行欽此顧題復未幾仍議裁革是蓋遙度
億見若邊自邊縣自縣兩不相涉驅
外處人民越境來守而強以所難堪

也此不待智者知其當裁矣惟親臨
其地觀形勢詢居民乃知名為山西
之民實則闔家住居邊墻内外以邊
墻為家離本縣或五六十里或二三
十里赴縣之難有若鄉民來城市然
以故先年建議即令守墻蓋以防邊
亦以便民恐非一時無湊而為權宜
暫借之計也誠慮夫虜騎突至斯是
之民在關以内者將歸還本縣乎抑

仍留關內乎其不容不留明矣則邊
墻固伊身家所係也雖禁之使無擺
守必不可得關以外者將星馳避還
本縣乎抑就近便入關內乎還縣則
路遙匍匐不前進關則面生容納不
便是平時分藩籬為斯民恤一花名
而有警將塞徑竇驅民以飼虜也合
候題

請移咨彼處督撫衙門再行廣昌縣將舊額鄉夫每

歲秋防仍照原議止具一花名揭帖
送道轉發管關通判分撥一認信地
即放歸農惟遇有警在牆內者照撥
協力擺守在牆外者聽其入關躲避
不許守關員役阻當此不獨保邊牆
亦所以保該縣鄉民也等因到院卷
查先准巡撫大同地方贛理軍務都

察院右副都御史胡

咨據分巡

冀北道右叅議許雲濤呈據大同府

申議將廣昌靈丘二縣原派鄉夫仍
舊撤回會同該鎮督臣具

題緣由備咨前來隨即案行易州道查照併議去
後今據前因臣等竊惟天下事當觀
大勢顧此鄉夫一百餘人何關塞垣
輕重而兩鎮累歲區區爭之哉第察
其中事勢人情有不得不通融論者
方今諸酋款

貢邊鄙無事雲谷將士且得安枕况內而蜚狐拒

馬間乎撤鄉夫而歸農該鎮之議誠是矣但撫臣兩歲閱邊登浮圖白石諸臺堡及徧觀諸塞垣間窮巖僻谷壘石葺茅而居者問其民則皆廣昌靈丘之民也而星羅於關之內外無論有警借關塞為衛即今無事時邊關之令嚴於稽察掏挖礦洞有禁盜伐樹木有禁奸細往來有禁若使該縣之民雜居內地不籍名本鎮漫無

約東無稽查無保甲聯絡以為可乎
不可乎此奸盜之藪也僉派鄉夫直
借此聯屬之爾非謂邊關之兵盡無
可用而獨此百人足以備緩急也今
據該道議查相應照舊僉派祇具一
花名揭帖送道分派信地平時各聽
歸農祇令編立保甲無容留奸細及
盜礦盜樹等項仍嚴行管關守口文
武各官加意撫恤勿指以查點騷擾

及分外科索庶事無掣肘而經久可
行人無負累而邊陲永賴矣伏乞

聖裁

一精簡練以選軍鋒

前件行據易州道兵備叅政兼僉事余
國賓呈據保定府呈准本府同知王
維藩關准紫荆關叅將馬應元馬水
口管叅將事遊擊米萬春各議稱卒
不可用以將與敵而簡練精銳實用

兵急要焉今也謂其別餘充數強弱
不分掛名雇點游手冒糧以及馬軍
累於草料不給步軍苦於工役不休
器械不利武藝未聞令不服習誠有
見軍容之不振而簡閱訓練實轉弱
為強之大機也候通行之後一一遵
守嚴其較閱時其訓練精其器械汰
其老弱分別等第辦給糧餉一月而
分練之一季而合操之一歲而通閱

之久則軍容自振在在皆可用之人
而守衛邊關者至是有其具矣等因
會議到道據此簿查先該保定楊總
兵議稱該營兵馬凡遇操演打射有
罰無賞無以激勵三軍要於紫荆所
庫貯商稅銀內每年動支一百五十
兩解大寧都司收貯候下操之日委
官隨營犒賞等因續又該本鎮陶總
兵手本內稱本鎮隨任家丁三十五

名議於標營老弱軍內代頂名糧以
為應援隨營之用等因到道看得各
營軍兵簡擇驍勇練習技藝分別等
第汰其老弱殘廢下等者馬軍不免
雜差步軍派令修工并看守墻墩次
等者馬軍量差步軍減工用以隨營
截殺惟上等者差工俱免授以利器
給以良馬月糧之外量給行糧日夕
操練以為前驅陷陣之用中有才力

尤異者給以雙糧每月協守合練季
終總兵合練歲終撫按通練各營將
領即以兵之強弱多寡為殿最委於
營伍有裨相應舉行又查薊昌鎮守
衙門俱有家丁惟保定查無舊例至
頂名缺軍雖尤愈於老弱者然非制
矣似應於本鎮下添設家丁三十五
名紫馬兩關叅將衙門各十五名其
月糧與夫上等軍士量給行糧及雙

糧操賞等費俱取之扣軍曠月糧銀
不足臨期聽該管衙門造冊送道查
明轉行糧司動支年例銀兩給發等
因到臣臣等竊惟卒不訓習衛霍難
以禦敵人無激勸孫吳不能奏功顧
此各營軍卒皆燕趙挽強之士也前
此虛冒占役買閑雇點諸弊蠹盖安
於積習之久上之人未有以振刷鼓
舞之爾今議將本鎮諸管兵馬遵照

所陳按月按季及於歲終各嚴加訓
練及強弱技藝之中定為等第分別
芻糧犒賞統馭將吏考其殿最如此
士氣不日增營伍不日實者無是理
也至於保定總兵標下及紫荆馬水
兩叅衙門各添設家丁其月糧與上
等軍士量給行糧及雙糧操賞等費
俱於扣軍曠月糧銀支給不足於糧
司年例銀內給發據議委與營伍有

裨相應舉行伏乞

聖裁

一議增給以恤戰騎

前件行據易州道兵備叅政兼僉事余國賓呈據保定府呈准本府同知王維藩關准紫荆關叅將馬應元議稱馬因食少而死軍因馬死而逃誠邊關積弊也顧此保鎮兩關馬倒不行開除隨倒隨補皆取足於各軍之朋

銀蓋各軍行糧自有定數大月八錢
六分小月四錢五分春秋兩防為大
月夏冬二季為小月視倒馬之多寡
為朋銀之多寡以致各軍不勝其苦
若防守比照昌平事例議給寺馬折
色則軍苦可蘇而馬不缺額矣又准

馬水口管叅將事遊擊米萬春議稱
馬水一路四總合計原額馬三百九
十餘匹今見馬止二百三十餘匹每

經倒死別無官銀止憑朋椿湊買近
該易州道呈詳允動保定庫貯撫院
支剩奇兵銀買馬二百匹料草議於
見在馬匹料草銀兩通融均給恐難
經久合無將應給草料照別鎮一體
題入歲餉數內庶可久行又准標營
坐營都司李繩武議稱保定標下設
立標騎車左忠順五營并紫荆馬水
二路總計戰馬共四千二百九十八

匹每遇倒死除本軍照例追椿外其餘不分馬步每名每月扣朋銀四分交納斷事司貯庫委府佐貳官買補大約一歲所扣之銀不足以補一歲所倒之馬查得薊昌二鎮發太僕寺本色馬并折色價共一千匹以十分為率昌一薊九幫助主兵一歲倒馬之數其延綏等營入衛客兵在薊昌倒死之馬兵部發給馬價買補獨保

定各營馬匹在本鎮倒死者無寺馬
帑銀在薊鎮倒死者無部發馬價倒
死既多椿朋不足勢必分外加派加
派則軍愈貧軍愈貧則逃亡愈衆此
實消耗營伍一大蠹也合將保定各
營馬匹在本鎮倒死者照昌鎮事例
議給在薊鎮防守倒死者照延綏等
營事例議給庶貧軍得霑一視之仁
所費公帑銀兩無幾培養軍士元氣

實多今查得紫荆關并所屬各總共
原額馬羸一千七十九匹頭今止見
在馬三百二十五匹近議添馬三百
七十五匹尚未買補其見在馬三百
二十五匹歲用料草除夏秋係保定
操餘採打秋青草束每日支給一十
五斤外春冬二季六箇月大小月相
兼每馬一匹歲支料豆折色銀二兩
一錢七分七釐一毫共該支銀七百

七兩五錢五分七釐五毫近議添馬
三百七十五匹每馬一匹照前夏秋
支給秋青草束春冬二季應增年例
銀八百一十六兩四錢一分二釐五
毫馬水口并所屬各總共原額馬二
百三十五匹如遇倒死各軍朋銀隨
即買補並無失額歲用料豆春冬二
季六箇月每匹月支料豆九斗共該
料豆一千二百六十九石每石折銀

四錢一分共折銀五百二十兩二錢
九分近又奉文動支保定府庫貯官
銀二千兩添買馬二百匹料豆照前
支給應增年例銀四百四十二兩八
錢標營原額馬羸一千六百八十九
匹頭今見在馬羸一千六百四十四
匹頭應補馬四十五匹歲用料草春
冬二季六箇月每馬月支料九斗草
十束共支料豆九千一百二十石六

斗共支草一十萬一千三百四十束
騎營原額馬一千二百五十一匹今
止見在馬一千二百四匹應補馬四
十七匹料豆草束與標營支給數目
相同歲用料豆六千七百五十五石
四斗草七萬五千六十束車營原額
馬羸四百二十一匹頭今止見在馬
羸四百零二匹頭應補馬羸一十九
匹頭料豆草束亦與標營支給相同

歲用料豆二千二百七十三石四斗
草二萬五千二百六十束左營原額
馬五百匹隆慶元年陣失馬三百五
十四匹後添補共見在馬一百八十
七匹應補馬三百一十三匹本營官
軍馬匹每年赴薊鎮防秋一次所支
料草在薊鎮支給外馬匹回營每匹
日支料三升月支草十束忠順營原
額馬一百零一匹應補馬并歲增年

例銀俱無歲用每馬一匹亦日支料
三升月支草十束本鎮見在防守共
馬羸四千二百九十八匹頭去年兩
關各營共倒死馬四百四十二匹今
歲椿朋買補三百二十三匹尚該補
馬一百一十九匹并標營節年倒死
應補馬四十五匹騎營應補馬四十
七匹車營應補馬十九匹及紫荆關
新添馬三百七十五匹左營陣失應

補馬三百一十三匹以上連倒死并
議補馬通共九百一十八匹合無議
發寺馬一半四百五十九匹議發部
銀買補一半四百五十九匹每匹大
約用銀一十二兩共用銀五千五百
八兩應候轉詳題

請允日以便奉行等因會議到道看得保定總兵標

下標騎車左忠順五營官兵與薊昌
二鎮及延綏等處入衛客兵修守防

護勞苦惟均查得薊昌延綏等營各
軍倒死馬匹買補事規春季公帑銀
夏季椿銀秋季太僕寺本色馬冬季
各軍朋銀所以軍不苦累馬不消乏
乃保定各營倒死馬匹並無寺馬帑
銀止追區區椿朋買補以故軍日以
逃馬日以缺不獨事體不均人心不
服即竭軍脂膏勢難完補據議比例
將保定各管馬匹在本鎮倒死者比

照昌鎮事例議給寺馬帑銀在薊鎮
防守倒死者比照延綏等營事例議
給部發馬價買補似應查照再照紫
馬兩關為西輔首衝保定標騎等營
專備聽調入援輪番赴薊防守各該
騎征馬匹俱屬緊要先該本道議動
撫院竒兵支剩銀二千兩買補馬水
口馬二百匹亦因椿朋無湊而馬又
斷不可少不得已而為是權宜處也

乃糧司則以未奉題

准無給草料又不得已而以本口見在草料通融減
給惟今所議合無將紫荆馬水二路
并保定標騎車左忠順五營見在防
守馬羸共計四千二百九十八匹頭
內去年倒死馬四百四十二匹今歲
追扣椿朋買補馬三百二十三匹尚
該補馬一百一十九匹并紫荆關應
添馬三百七十五匹標營節年倒死

應補馬四十五匹騎營應補馬四十
七匹車營應補馬一十九匹左營陣
失應補馬三百一十三匹以上倒死
并添補馬計九百一十八匹所據議
發寺馬一半計四百五十九匹議發
部銀買補一半計四百五十九匹每
匹約用價銀一十二兩該銀五千五
百八兩或將所屬易州涑水等七州
縣寄養馬匹數多民甚稱累者量行

撥給各關營喂養騎操其各營馬羸
應支料草除舊係支領年例銀兩無
容別議外紫荆關議添馬三百七十
五匹計應增年例銀八百一十六兩
四錢一分二釐五毫馬水口買完見
在添補馬二百匹計應增年例銀四
百四十二兩八錢二項通共銀一千
二百五十九兩二錢一分二釐五毫
照數增入年例給發以後各營倒死

馬匹在本鎮防守者比照昌鎮事例
議給寺馬折色在薊鎮入衛者比照
延綏等營議給部發馬價如回衛倒
失通融追扣椿朋買補等因到臣臣
等惟照紫馬兩關及保定各營馬匹
相沿缺額久矣其始也苦於買補之
難其既也苦於餽養之難撫臣嘗閱
紫馬兩關及保定各營馬匹無論虧
損數多即見在馬匹僅存皮骨其廩

力壯盛者百無一馬蓋緣倒死數多
徒取給於各軍區區之椿朋所補幾
何故前者未補而倒死者踵報各軍
所得月糧無幾既扣朋銀矣餘以之
贍家口不足又安得多買料草以供
馬耶此軍之所以愈貧而馬之所以
愈不足也及今若不大破拘攣從長
議處日甚一日軍疲馬斃邊事何賴
焉今據所議要將紫馬兩關標騎等

五營見在防守馬羸共計四千二百
九十八匹頭內去年倒死馬四百四
十二匹今歲追扣樁朋買補馬三百
二十三匹尚該補馬一百一十九匹
并紫荊關應添馬三百七十五匹標
營應補馬四十五匹騎營應補馬四
十七匹車營應補馬一十九匹左營
應補馬三百一十三匹以上通共應
補馬九百一十八匹議發寺馬一半

計四百五十九匹議發部銀買補一
半計四百五十九匹每匹約用價銀
一十二兩該銀五千五百八兩或以
易州涑水等七州縣寄養馬匹數多
者量行撥給各關營餽養騎操應支
草料除舊係支領年例銀兩無容別
議外紫荆關議添馬三百七十五匹
計應增年例銀八百一十六兩四錢
一分二釐五毫馬水口買完見在添

補馬二百匹計應增年例銀四百四十二兩八錢二項通共銀一千二百五十九兩二錢一分二釐五毫議入年例銀兩發給以後倒死馬匹在本鎮防守者比照昌鎮事例議給寺馬折色在薊鎮入衛者比照延綏等營事例議給部發馬價如回衛倒失照該鎮議通扣椿朋買補據議妥當似應查照仍令各營路軍士照真定各

營事例遇有倒死馬匹俱查領馬年
分遠近分別責治照例扣追椿銀中
間如有將馬匹雇募及私借與人騎
坐致死者除陪馬一匹本役及所雇
借之人各罰馬一匹庶人心有所警
畏而馬匹不致多損矣伏乞

聖裁

萬曆十五年三月十六日

議發年例銀兩疏

奏為議發年例銀兩事准整飭薊州等處邊備兼
巡撫順天等府地方都察院右僉都御史蹇

會稿據密雲等道兵備右叅政等官郭四維等
呈稱會同各該管糧郎中等官劉任等將查過
萬曆十四年正月起至本年十二月終止密薊
永昌四鎮主客兵馬支用過本折錢糧數目造
冊呈報到職據此卷查萬曆十四年六月內准
戶部咨該本部題恭候

命下本部移咨總督太倉及劄付銀庫將庫貯折糧
折草銀內照依應發薊永等鎮銀兩數目動支
各交與本部差官解運各該管糧衙門交割等
因題奉

欽依備咨計開萬曆十四年分薊州鎮主客額餉共
該銀五十七萬二千一百一十兩六錢三分一
毫又灤陽新募土兵銀三萬四千六百一兩二
錢三分係昌平鎮額餉改撥本鎮主兵額銀二
十六萬八百五十七兩五錢九分一釐九毫本

部本年春季發過并漕糧改折民運等銀通計
見在該鎮銀一十三萬九千一百二十三兩七
錢四分仍該補發銀一十二萬一千七百三十
三兩八錢五分一釐九毫客兵額銀三十一萬
一千二百五十三兩三分八釐二毫又灤陽新
募土兵銀三萬四千六百一兩二錢三分共銀

三十四萬五千八百五十四兩二錢六分八釐

二毫本部本年春季發過并民兵鹽引糧草折

銀等項及十三年終支乘銀通計見在該鎮銀

二十二萬六千四百四十八兩四錢一分三釐
四毫六絲二忽一微三纖九沙三塵仍該補發
銀一十一萬九千四百五兩八錢五分四釐七
毫三絲七忽八微六纖七塵永平鎮主客額餉
共該銀三十三萬四百一十五兩九錢一分九
釐四毫主兵額銀二十萬五百一兩三錢五分
四釐五毫本部本年春季發過并民屯米豆折
銀及攤認免徵民壯工食等項通計見在該鎮
銀一十三萬八千六百一十七兩九錢四分一

釐五毫三絲七忽九微三纖一沙四塵仍該補
發銀六萬一千八百八十三兩四錢一分二釐
九毫六絲二忽六纖八沙六塵客兵額銀一十
二萬九千九百一十四兩五錢六分四釐九毫
本部本年春季發過并府衛屯草折銀等項及
十三年終支剩銀通計見在該鎮銀八萬二千
八十一兩六錢五毫七絲一忽八微七纖仍該
補發銀四萬七千八百三十二兩九錢六分四
釐三毫二絲八忽一微三纖密雲鎮主客額餉

共該銀五十二萬九千五百六十一兩二錢四分二釐三毫主兵額銀二十四萬三千三百三十五兩八錢七分八釐一毫四絲五忽本部本年春季發過并漕糧民屯米豆贓罰等項及十三年終支剩銀通計見在該鎮銀一十八萬二千九十七兩二錢六分二釐二絲九忽一微五纖仍該補發銀六萬一千二百三十八兩六錢一分六釐一毫一絲五忽八微五纖外發興營中後屯三衛官軍糧俸布花銀四千九百六十

四兩三錢又平谷縣儒學三河驛廩糧銀四十
二兩通共補發銀六萬六千二百四十四兩九
錢一分六釐一毫一絲五忽八微五纖客兵額
銀二十八萬六千二百二十五兩三錢六分四
釐一毫五絲五忽本部本年春季發過并漕糧
折銀及民運民壯工食等項通共見在該鎮銀
一十六萬六千六百六十四兩七分九釐八絲
仍該補發銀一十一萬九千五百六十一兩二
錢八分五釐七絲五忽昌平鎮主客額餉共該

銀一十九萬四千七百四十九兩四錢七分七釐四毫四忽主兵額銀一十四萬七千六百八十三兩四錢三分七釐四毫四忽本部本年春季發過并漕糧折銀民運屯糧商稅等項及十三年終支剩銀通計見在該鎮銀一十萬二千三百六十八兩四錢七釐三毫二微四纖二沙仍該補發銀四萬五千三百一十五兩三分一毫三忽七微五纖八沙客兵額銀四萬七千六十六兩四分本部本年春季發過并十三年終

支剩銀通計見在該鎮銀二萬四千二百四十
二兩九錢四分二釐二毫五絲四忽八纖仍該
補發銀二萬二千八百二十三兩九分七厘七
毫四絲五忽九微二纖外營州左屯衛萬曆十
四年軍士冬衣布花銀一百兩除十三年支剩
銀三十六兩一錢七分五釐仍該補發銀六十
三兩八錢二分五釐又發太倉銀庫帶發原收
各省直代解昌平州馬草銀九十八兩等因准
此已經通行各該兵備道會同各管糧衙門一

體遵照施行去後今據冊報前來理合會

奏等因會稿到臣准此卷查先准戶部咨為省繁

文以節財用事該前總督尚書梁

題本部

議覆查得前項一冊相應通行督撫衙門自萬
曆六年為始止聽巡撫造送總督不必再造等
因題奉

欽依備咨欽遵在卷今准前因該臣會同整飭薊州
等處邊備兼巡撫順天等府地方都察院右僉
都御史蹇查得先為錢糧百分缺乏乞

申飭中外臣工協心體

國以足經用事已該撫臣將萬曆十四年密薊永
昌四鎮主客兵馬本折錢糧分別舊管新收開
除實在數目造冊於萬曆十五年三月十三日
具本

奏繳青冊送部訖今又據各道造報萬曆十四年
主客兵支用過本折錢糧數目亦該撫臣徑自
造冊

奏繳青冊咨送戶部查考外為此今將前項緣由

理合具本專差千戶張大庸親齎謹具奏

聞

萬曆十五年三月 十七 日

總督四鎮奏議卷之八終

(B)
083
0079-1
v.20-29
[no.81
0528446

(B)
083
0079-1
v.20-29
[no.8]